





quia visio, qua homo unitur Deo, est superior actione omnis causae creatae; atque adeo ad illam nullum agens creatum pertinere potest.

18 Simili ratione utitur S. Doctor 3. contra Gentes c. 6. ubi sic dicitur: *Si aliquis videre desinat quod primo videbat, aut hoc erit quia desinit ei facultas videndi; sicut cum aliquis moritur, vel caecatur, vel aliquantulum aliter impeditur; aut erit, quia non vult amplius videre; sicut cum aliquis avertit visum a re quam prius videbat; vel quia obiectum subtrahitur... Subsistentiam autem intellectuali videndi Deum non potest desine facultas videndi Deum, neque per hoc quod esse desinat, cum sit perpetua; neque per defectum luminis quo Deum videt, cum lumen illud incorruptibiliter recipitur, secundum conditionem & recipientis & dantis; neque potest ei desine voluntas tali visione fruendi, ex quo percipit in illa visione esse suam ultimam felicitatem; sicut non potest velle non esse felix: neque etiam videre desinet per subtractionem objecti; quia obiectum illud quod est Deus, semper, eodem modo se habet, nec elongatur a nobis, nisi in quantum nos elongamur ab ipso: impossibile igitur est, quod visio illi Dei, qua beatus facit, unquam desinat.*

19 Probatur secundo eadem pars ratione fundamentali: Nam ut dicit S. Thom. 1. part. quest. 50. art. 5. ad 3. *Non dicitur aliquid esse corruptibile, per hoc quod Deus possit illud in non esse redigere, subtrahendo suam conservationem, sed per hoc quod in seipso aliquod principium corruptionis habet: Sed visio beatifica, quamvis a Deo destrui possit, non tamen habet in se aliquid principium corruptionis: Ergo non est, nec dici debet corruptibilis, sed incorruptibilis ab intrinseco, etiam per respectum ad Deum. Major constat, tum ex Aristotele, & D. Thoma, & ex consensu omnium Sapientum, a quibus petenda sunt rerum definitiones, & non pro libito fingenda: tum inductione, nam celi, Angeli, animae rationales, sunt & dicuntur incorruptibilia: quia licet per absolutam Dei potentiam, & suspensionem divini concursus conservativi, possint destrui, & desinere esse, non habent tamen in seipsis aliquid principium corruptionis, seu aliquam potentiam ad non esse, quae exigant aliquando suspensionem concursus, quo Deus illa conservat in esse. Item lapis dici non potest natura sua mobilis sursum, etiam respectu Dei, quia licet Deus possit movere lapidem sursum, caret tamen principio intrinseco ad locum sursum inclinantem. Denique, licet Deus corpora mixta & corruptibilia perpetuo conservare possit; quia tamen in se habent principium intrinseco corruptionis; materiam scilicet non striatam formam illorum, non possunt dici incorruptibilia: ergo ex opposito, ut aliquid sit & dicatur corruptibile, non sufficit quod Deus possit illud in non esse redigere, subtrahendo suam conservationem, sed requiritur necessarium quod in seipso aliquid principium corruptionis habeat. Minor autem suadet: Nam in illa visione subiectum est incorruptibile, & lumen a nullo alio pendet nisi a solo Deo; neque visio pendet nisi ab intellectu & lumine, quae perpetua sunt, & necessario operantur in illo statu, illisque debetur concursus divinus accommodatus: quod si loquamur de causa morali corruptionis, quae solum potest esse peccatum, etiam visio beatifica omnino illud excludit: Ergo nulla potest hic cogitari causa intrinseca corruptionis.*

20 Dices ex Curiele ubi supra: ad hoc ut visio beata possit dici ab intrinseco corruptibilis, sufficere quod in intellectu beati, lumine gloria illustrato, sit potentia ad non esse visionis, & quod illi nec lumen nec visio debeatur.

Sed contra: In intellectu beati, lumine gloria illustrato, non datur potentia naturalis, sed tantum obedientialis ad non esse visionis: At haec non sufficit ut visio beatifica possit dici ab intrinseco corruptibilis; alioquin Angeli, celi, anima rationalis, & unio hypostatica, possent dici ab intrinseco corruptibilia, cum in eis sit potentia obedientialis ad non esse, illaque per absolutam Dei potentiam possint destrui & annihilari: Ergo ut visio beatifica possit dici ab intrinseco corruptibilis, non sufficit quod in intellectu beati sit potentia ad non esse visionis. Item unio hypostatica est natura humana indebita; & tamen est ab intrinseco indissolubilis & incorruptibilis, unde mensuratur aeternitate participata, ut communiter docent Theologi: Ergo ex eo quod lumen gloriae & visio beatifica non sint intellectui beati connaturaliter debita, non recte colligitur visionem beatam non esse ab intrinseco corruptibilem, & inamissibilem.

21 Tertio probari potest eadem pars: Forma perfecte complens & satians appetitum subiecti, est ex natura sua incorruptibilis & inamissibilis: Sed visio beatifica totaliter satiat appetitum beati: Ergo ex natura sua incorruptibilis est. Major patet in forma colorum, quae dicitur ab intrinseco incorruptibilis, quia perfecte satiat appetitum materiam, nec sinit eam appetere aliquam formam ipsi contrariam: Unde probatur Minor: Illa forma totaliter satiat appetitum subiecti, quae facit ut subiectum non possit aliquid aliud appetere sibi oppositum. Sed visio beata hoc praestat, facit enim ut proprium subiectum appetere nequeat cessationem visionis, vel errorem circa Deum (quae

duo opponuntur visioni) quatenus facit ut non possit in aliquo ex illis apprehendere rationem boni: Ergo totaliter satiat appetitum beati.

Confirmatur: Ideo humanitas, terminata per subsistentiam Verbi Divini, non expetit propriam, quia per divinam illius appetitus perfecte satiat; quocirca compositum, ex illa & Verbi subsistentia resultans, incorruptibile est: Ergo si visio beatifica satiet intellectus appetitum, quo propendet in verum, & non relinquat potentiam proximam ad formam oppositam; & consequenter compositum resultans ex visione & intellectu, incorruptibile erit.

Confirmatur amplius: Forma quae caret contrario, ab intrinseco incorruptibilis est: Sed visio beatifica caret contrario, error enim, qui solus videtur illi opponi, ei proprie non contrariatur; quia nec sunt ejusdem ordinis, nec possunt mutuo se expellere: illa quippe visio sic pericit subiectum, ut reddat illud omnino incapax erroris: Ergo idem quod prius.

§. II.

Solvuntur objectiones.

Obijcies primo contra primam partem conclusionis: Ad rationem beatitudinis non est necessarium ponere licet incorruptibilem ex natura sua, sed sufficit quod ex Dei dono & conservatione non corrumpatur: Ergo omnino voluntarie ponitur incorruptibilis ex propria ratione. Consequentia est bona. Antecedens probatur: quia ut beatus sit perfecte felix, & non sit anxius de suo statu, sufficit quod Deus stauerit conservare beatitudinem ejus; & hoc fit illi notum.

Huic objectioni solutio patet ex dictis in probatione prima partis conclusionis, negandum scilicet esse Antecedens: nam cum de essentia beatitudinis sit, quod vel ratione sui, vel ratione eorum quae illi debentur; satiet omnem appetitum beati, & omnem miseriam & anxietatem ab eo excludat; non esset vere beatitudo si ex se & ab intrinseco non haberet securam reddere beatum de perpetuitate sui status: hoc autem praestare non potest, nisi ab intrinseco sit inamissibilis & incorruptibilis; adeoque non sufficit extrinsecum Dei decretum, quo statuit perpetuo conservare Sanctorum beatitudinem; sed insuper requiritur quod ipsa beatitudo ratione sui, vel ratione aliquis proprietatis & perfectionis sibi debita, exigat perpetuo durare & conservari a Deo.

Obijcies secundo: Beatitudo habet potentiam intrinsecam ut a Deo destruat: Ergo est corruptibilis ab intrinseco, sicut per respectum ad Deum, Consequentia patet ex supra dictis, Antecedens probatur: Visio beata est destructibilis a Deo suspendente concursum. At non est destructibilis per solam denominationem extrinsecam a potentia Dei: Ergo est destructibilis per potentiam intrinsecam. Probatur Minor. Si solum esset destructibilis per denominationem extrinsecam a potentia Dei, haec causalis esset vera, ideo est destructibilis, quia Deus potest eam destrueri: At rursus haec est vera: Deus potest illam destrueri, quia destructibilis est: Ergo de primo ad ultimum, ideo potest Deus destrueri visionem, quia potest: quod est circulus vitiosus, quem D. Th. 1. p. q. 25. art. 2. vitare contendit in objecto omnipotentia.

Respondet, distinguendo Antecedens: Beatitudo habet potentiam intrinsecam ut destruat a Deo, physicam, nego Antecedens: Logicam & obedientialem, consistentem in non repugnantia ut destruat a Deo operante supra leges communes, & contra peculiarem ipsius beatitudinis inclinationem, concedo Antecedens, & nego Consequentiam: quia ut aliquid dicatur ab intrinseco corruptibile, per respectum ad Deum, non sufficit non repugnantia, seu potentia logica & obedientialis ut ab illo destruat, ut supra ostensum est, sed exigitur potentia physica inclinata secundario ad non esse: ideo enim homo, v.g. dicitur corruptibilis ab intrinseco, quia materia ex qua componitur, appetit alias formas, incompatibiles cum anima rationali, & ex consequenti appetit expulsionem animae, & non esse hominis.

Obijcies tertio contra secundam partem conclusionis: Forma recepta in subiecto non connaturali sed extraneo, recipitur in eo amissibiliter & corruptibiliter: ut patet in calore, qui in subiecto proprio & connaturali, scilicet igne, est inamissibiliter, sed in aqua est amissibiliter, eo quod aqua fit subiectum extraneum: At visio beatifica est in homine, & in Angelo, ut subiecto extraneo, non vero connaturali: cum lumen gloriae, a quo dependet, nulli intellectui creato vel creatibili connaturalis sit: Ergo visio beatifica est amissibiliter & corruptibiliter in intellectu humano & angelico.

Confirmatur: Gratia sanctificans est qualitas corruptibilis, ut experientia constat, nam quotidie corrumpitur per peccatum: Ergo multo magis lumen gloriae, & visio beata. Patet Consequentia: tum quia gratia sanctificans est nobilior forma in ordine supernaturali: tum etiam quia comparatur ad lumen gloriae, ut essentia ad proprietatem: non potest autem proprietates esse incorruptibiliter, quam natura a qua dimanat,

29 Ad objectionem respondeo, Maiorem esse veram, quando forma ex se non habet quod fit incorruptibilis, sed ex conditione subiecti; tunc enim si recipitur in subiecto extraneo, est in eo corruptibiliter & amissibiliter; secus vero, quando ex se & ex natura sua incorruptibilis est, & perfecte participata a subiecto extraneo; tunc enim non solum non participat corruptibilitatem subiecti, sed insuper illud trahit & elevat ad suam incorruptibilitatem. Patet hoc in subsistentia divina, quae quia ex se est incorruptibilis & aeterna, etiam communicata subiecto extraneo, scilicet humanitati, incorruptibilis & perpetua manet, & trahit illam ad suam perpetuitatem: unde Christus naturam semel assumptam nunquam dimisit, etiam dissoluta unione illius naturae per mortem. Ceterum visio beata ex se & ex natura sua incorruptibilis est: tum quia est participatio visionis Dei, & mensuratur aeternitate illius: tum etiam, quia principia ad illam concurrentia, nempe lumen gloriae, & divina essentia, in ratione speciei unita, & propria natura sunt incorruptibilia; & sic visio quamvis recepta in subiecto extraneo (intellectu scilicet humano vel angelico) non propterea participat corruptibilitatem seu mutabilitatem illius, sed potius illud trahit & elevat ad esse omnino immutabile & incorruptibile: adeoque licet anima vel intellectus secundum se mensurentur aeo, ut tamen subiungantur luminis gloriae, & visioni beatae, aeternitate participata mensurantur, & omnino invariabiliter se habent. Dixi autem, quando forma ex se incorruptibilis est, & perfecte participata a subiecto: quia si participatur imperfecte (ut gratia & caritas viae, ratione cognitionis obscura fidei per quam regulatur) etiam ex natura sua fit incorruptibilis, nihilominus potest de facto corrumpi ex defectu subiecti, quia tunc non trahit subiectum ad suam perfectionem, sed potius trahitur ab illo ad suam imperfectionem.

30 Ex quo patet responso ad confirmationem: licet enim gratia sanctificans de se postulet perpetuitatem, & illam secum afferat, si sit in statu perfecto & connaturali, uti est in patria, ubi clara Dei cognitio regulatur: in via tamen potest aliqua ratione corrumpi seu amitti, quia est in statu imperfecto & veluti preternaturali, utpote regulata per fidem & cognitionem obscuram: adhuc tamen in illo non est physice corruptibilis intrinsece, quoniam habet aliquod physicum principium corruptionis, sed tantum morale, quod est peccatum.

31 Ex his solummodo manet praecipuum Curielis fundamentum, quod potest hic breviter proponi, Principium proximum visionis beatificae non petit ab intrinseco perpetuo conservari: Ergo illa non est ab intrinseco incorruptibilis & inamissibilis. Consequentia patet, Antecedens probatur. Principium proximum visionis beatae est intellectus, ut illustratur lumine gloriae: At huic conjuncto non debetur perpetua conservatio ratione subiecti, cum lumen gloriae sit illi indebitum, nec ratione luminis, quia cum accidens esse sit inesse subiecto, ex parte subiecti iudicandum ac metiendum est an accidens debita vel indebita sit conservatio, sicut ex parte subiecti iudicamus ac metimur an accidens naturale sit vel supernaturalis: Ergo principium proximum visionis beatificae non petit ab intrinseco perpetuo conservari.

32 Huic, inquam, argumento patet solutio ex iam dictis, negandum scilicet esse Antecedens. Est ad huius probationem, neganda est Minor, pro secunda parte, quam non convincit probatio facta: nam licet verum sit accidens quod subordinatur subiecto, debere mensurari quoad debitam conservationem, penes subiecti exigentiam; non tamen est verum, quando accidens sibi subordinatur subiectum, illudque trahit ad propriam immutabilitatem: hoc autem est discrimen inter gratiam viae, & lumen beatificum, quod gratia viae libero hominis arbitrio quoad sui

conservationem subiecit, ita ut illam pro arbitrii libertate possit abjicere: lumen autem beatificum non subiecit intellectui creato, sed illum sibi subiecit ac subordinat, & ad ordinem immutabilem elevat, ut antea exposuimus; ideoque an sit debitum perpetuo conservari, non ex subiecti exigentia, sed ex propria huius luminis gloriosi naturae, iudicandum & metiendum est. Unde est disparitas quantum ad hoc inter supernaturalem essentiam, & debitum conservationis illius in subiecto; cum enim supernaturalitas sumatur ex excessu & elevatione forma supra naturam & exigentiam subiecti in quo recipitur, ex parte subiecti metimur an accidens naturale vel supernaturale sit: e contra vero cum debitum conservatio nis reguletur penes immutabilitatem forma conservandae, non penes exigentiam subiecti, sed penes propriam naturam ipsius forma metiendum est; praesertim quando talis forma est in suo statu perfecto & connaturali, ut contingit in proposito.

Obijcies ultimo: Visio communicata Paulo in rapto fuit ejusdem speciei cum visione Beatorum: At illa non petebat ab intrinseco perpetuo conservari: Ergo nec visio beatorum id expolit. Major videtur certa, Minor vero probatur primo. Actio non potest excedere durationem principii a quo essentialiter pendet: At principium, scilicet lumen communicatum Paulo, non petebat ab intrinseco perpetuo conservari, cum fuerit facile transiens, & datum per modum luminis prophetici, & coruscationis transeuntis, ut docet S. Thomas 2. 2. quest. 175. art. 3. ad 2. Ergo nec ejus visio. Secundum eadem Minor suadet: quia alias non solum fuisset miraculosum, quod Paulus manens viator videret divinam essentiam, sed etiam quod illius visio ad breve tempus duraverit: At hoc videtur multiplicare miracula absque necessitate: Ergo visio communicata Paulo in rapto, non petebat ab intrinseco perpetuo conservari.

Huic argumento respondent aliqui, negando Majorem: existimant enim visionem communicatam Paulo in rapto, & visionem patriae quam Beati eliciunt, esse diversae speciei, quia prima ex natura sua fuit transiens, & non processit a lumine gloriae, sed a solo auxilio; altera vero est permanens, & a lumine gloriae procedens. Sententia tamen quae docet utramque visionem esse ejusdem speciei, solumque differre accidentaliter & ex parte subiecti, verior & probabilior est: tum quia utraque respicit idem obiectum formale, nimirum essentiam divinam clare cognitam: tum etiam quia qualitates facile mobiles, & difficile mobiles ex parte subiecti, non differunt specie & essentialiter, juxta D. Thomam infra qu. 49. art. 2. ad 3.

Melius ergo respondetur, concessa Majori, negando Minorem: visio enim Pauli ex se & ex natura sua erat perpetua, & exigebat ab intrinseco perpetuo conservari; sed ex dispensatione Dei & per miraculum non duravit de facto: sicut Caelum, vel Angelus, quae ab intrinseco incorruptibilia sunt, & exigunt perpetuo conservari, sed potentia absoluta possunt desinere esse. Ad primam probationem, negotiam Minorem: nam licet tale lumen habeat modum dispositionis transeuntis, fuit tamen habitus quoad substantiam: unde quando D. Thomas loco citato illud comparat luminis prophetico, comparatio tenet solum quantum ad modum essendi utriusque, non vero quantum ad substantiam seu rationem specificam. Ad secundam probationem, concessa Majori, nego pariter Minorem: nam vel illa duo miracula sunt inter se subordinata, & unum inclusum in alio, aut sequuntur ex illo: quia scilicet eo ipso quod viatori communicatur clara Dei visio, non nisi ad tempus debet communicari, praeter quam Christo; qui fuit viator & comprehensor: vel si sunt duo miracula non subordinata, multiplicatur cum urgenti necessitate, orta ex natura visionis, ut satis ostendi.

TRACTATUS SECUNDUS. DE ACTIBUS HUMANIS.



Xpedito tractatu de beatitudine, incipit D. Thomas agere de actibus humanis; quippe qui sunt potissima media, quibus haec beatitudo acquiritur, & ut ait D. Bernardus ad cleric. cap. 15. *semina aeternitatis: sicut enim arbor & fructus virtualiter continentur in semine; ita & vita aeterna in bonis operibus: unde Apostolus 2. ad Corinthios 9. Qui parce seminans, parce & metes; & qui seminans in benedictionibus, de benedictionibus & metet.* Verum quia prima & generalis conditio actuum humanorum est, ut a voluntate procedant, unde voluntarii nominantur: priusquam S. Doctor de ipsis actibus humanis in particulari, eoram-

que principii differat, agit qu. 6. de voluntario, & involuntario. Sit ergo

DISPUTATIO PRIMA.

De Voluntario & involuntario.

Ad quaest. 6. D. Thomae.

Um eadem sit contrariorum doctrina, in hac disputatione primo agitur de voluntario, secundo de involuntario, tertio de mixto ex utroque.